

امور تحریریه ایچون فؤاد بکه
وامور اداره ایچون آرتین افندی به
مراجعت اولنور.

— ۱۴ —

مسئله کمزه موافق آثار قبول اولنور.
درج اولمیان اوراق اعاده اولنماز.

مجله علمی و ادبی

اداره خانه سی باب عالی جاده سنده
۵۲ نومرولی « شرکت مرتبیه »
مطبعه سیدر.

— ۱۴ —

استانبول ایچون سنه لکی مطبعه دن
آلغی شرطیله ۴۰ طشره لره پوسته
اجرتیله برابر ۶۰ غروشدر.

نسخه سی ۱ غروش

پنجشنبه کونلری نشر اولنور ادبی، فنی و صناعی غزتر در

نسخه سی ۱ غروش

« اسکندر »

(مابعد)

اسکندر، آسیا قطعہ سنہ کچمک ایچون استیصال کو ستر مکہ ایدی. بوندن مقصدی پدري فلیب طرفدن ایران قطعہ سی اوزرینہ تصیم و ترتیب ایدلش اولان هجوم پلاننک اجر اسندن عبارت اولوب بوصورتله استحصال موقیقله ایرانیلرک و قتیله یونانیلره غلبه. سندن طولایي اخذ انتقام ایتک، ماکدونیا. لیلرک پیش انظارینہ بر ساحه وسیعه آچق ایستہ یوردی.

ماکدونیا یی ترک ایتمزدن اول بوبابده کی آمال و نیاتی احباوندماسنه بیان ایله برابر اموال و املاکنک اداره سنی ده آنلره تودیع ایتدی.

اسکندرک تصور ایله دیکی بوسفر ایچون جمع ایتدیکی عسکر اوتوز بیک پیاده ایله درت بیک بش یوز سواریدن، یوز قدر سفینه ایله بر آی اداره یه کافی ارزاق و جزئی آنچه دن عبارت اولوب شوقدر که عساکر موجوده سی کاملاً ممتاز و منتخب و آلی یدی مترو طولنده مزاراقلره مسلح ایدی.

اسکندرک بوندن زیاده عسکره، مهمان نه ده بک احتیاجی یوق ایدی. زیرا کندیسندن یتیش سنه اول ۱۴۰۰۰ نفر دن مرکب بر فرقه ایرانہ سفر ایدوب. اون بش آی محاربه دن صوکره اون بیک موجود له عودت ایتیش و بونلرک شو سفر لرندہ ایرانک اوزمان بولندی حاله، عساکرینک ضعفنه مقابل یونانیلر نژدنده مهارت عسکرینک فوق العاده لکی تحقق ایله هوش ایدی.

اسکندر، آوروپادن آسیا جهتنه بلا مانع و مزاحم مرور ایله دی [۳۳۴]. ایلک حمله ده عجملردن شدتلی مدافعه کورمکله

برابر غلبه ینہ کندی طرفندہ قالدی. بو مظفریتی، اوزمان ایران حکمداری بولنان ذاتک اضاعه نفوذینہ باعث اولدینی کی مدافعه جصورانه سیله شہر تیاب اولان «منون» دخی بو صرمدہ مقتول اوله سیله اسکندر ایچون جدأ باعث اندیشه اوله حق باشقه رقیب قالماش ایدی. بناء علیه آسیا قطعہ سنی بستیون ید تسخیرینہ کچیرمک ایشدن بیله دکلدی. فقط «طوروس» طاغلرندن کلن بوزلی صورلده ییقانه سی جهتنه دوچار اولدینی خسته لک کندیسنی «تارس» ده توقفه مجبور ایتدی. طبیب خصوصیسی اولان «فلیب» ک تدای حاذقانه سی ثمره سیله بو خسته لقندن رهایاب اولدی. بو تدای انسانسنده آلدینی بر مکتوبده طبیب خصوصیسنک ایران حکمداری طرفندن کندیسنی تصیم ایچون اطماع ایدلدیکی بیان اولغانه سی اوزرینہ مکتوبی طبینه ارائه ایله دی. طبیب مومی الیه بو آراق اسکندرہ ایچیرمک ایچون ترتیب واحضار ایتیش اولدینی علاجی در حال کندیسنی ایچویردی. بو حال حقندہ باعث کمال اعتماد و امنیت اولغله مداواتندہ دوام ایتدی. خسته لقندن قورتولقدن صوکره اسکندر، دارا اوزرینہ یورودی. دارانک جمع ایتدیکی عسکر ۶۰۰،۰۰۰ راده سنده بولندی حاله اسکندرک موجود معیتی قرق ایکی بیک نفر دن و بش بیک سوازیدن عبارت ایدی. لکن دارا عسکرینک موقع و وضعیتندہ بولنان فنانق اسکندرک غلبه سنی تأمینہ مدار اولدی.

ایلک مصادمده دارانک عسکری منہزم اولدینی کی کندیسنی ده فراره مجبور ایدلدی. بو معرکده والده سیله زوجہ سی و کریملری اسکندرک ید اسارتنه دوشمش ایسه لرده بونلره حرمت ورعایتدن باشقه بر معامله روا کورولمادی [۳۳۳].

(مابعدی وار)

— انظار مخصوص —

﴿تاریخ خطوط عتیقه﴾

خطوط عتیقه نك تشکله واقوام قدیمہ نژدنده صورت استیمالنه دایر معلومات جملہ یی حاوی اوله رق کچن نسخہ لر مزه درج ایدلش اولان مقاله دن دولایي تقدیری متضمن بعض ذوات طرفندن برقاچ مکتوب آلدق. حقمرزده ابراز اولنان توجهه تشکرلر ایدہ رز.

طوتدیغمز مسلک ایجابنجه غزته من مندرجاتنک مواد نافعہ و مسائل جدیدہ دن بولغانه سنہ غیرت اولغنه قدیمہ اولدینی کی بمنه تعالی بوندن صوکرده بویولده عمومک استفادہ سنہ خدمتله قارئین کرامک توجهلرینی قازانمیه چالیشیلہ جنی درکاردر.

خطوط قدیمہ حقندہ ابراز ایدیلن سبالف الذکر توجهاتدن دولایي عهدہ مزه ترتیب ایدن وظیفه شکرانیتنی لایققله ایفا ایدہ یلک ایچون بو بابده کی معلومات جملہ یی توسیعه قرار ویرہ رک بوکا دایر جدأ مکمل دیندجک صورتده مأخذلر تدارک ایتدک. بونلردن تبعات اجراسیله برابر خطوط عتیقه یه دایر اولان معلوماتی ده بوکا علاوه ایدہ رک کله جک نسخہ مزدن اعتباراً ینہ «تاریخ خطوط عتیقه» سرلوحه سی آلتندہ جدأ استفادہ بخش اوله حق درجده مقاله لر درجته باشلانیلہ جنی کی آثار و خطوط عتیقه دن برخیلی نوادرک رسملرینی ده بولندیره جغمیزی عرض ایدہ رز.

